



# COMUNU DE SABARUSSA

*Provìntzia de Aristanis*

C.F. n. 80000910952 Partita IVA 00080030950

## **BANDU PO ASSINNAI CONTRIBUTUS A IS ASSÒTZIUS E SOTZIEDADIS SPORTIVAS**

**ANNU 2019**

Su Responsàbili de s'Àrea Amministrativa Sòtziu-Culturali ponendi in pràtica su Regolamentu Comunali po sa cuncessioni de finanziamentus e benefitzius econòmicus a Entis pùblicus e sugetus privaus e sa Delibera G.C. n. 74 de su 16/10/2020;

### **FAIT SCIRI**

ca po s'annu 2019 ant stantziau sa summa de **€ 7.000,00** po sa cuncessioni de contributus po is Sotziedadis Sportivas;

### **RECHISIUS GENERALIS**

- Teni sa sedi in Sabarussa, fai atividadi in favori de tzitadinus de Sabarussa;
- Essi iscritus in una de is tres setzionis de su registru de is sotziedadis e de is assòtzius sportivus diletantìsticus, istituiu in su CONI.

### **CRITÈRIUS DE ASSINNAMENTU**

Su contributu (segundu su fundu po su sport - L.R. n. 25/93) est destinau a is sotziedadis sportivas a caràteri diletantìsticu. Sa partzidura s'at a fai cun Delibera de sa Giunta Comunali segundu a custus critèrius:

1. Spesas chi ant tentu is assòtzius sportivus in s'annu de riferimentu;
2. Nùmeru de assotziaus a cadauna Sotziedadi sportiva, donendi-nci de prus candu ddui at atletas piciocheddus.
3. Su 55% segundu a sa spesa chi ant fatu po s'atividadi: s'organizazioni o sa partecipazioni a fai atividadi at a depi arresurtai me in is bilàncius o arrendicontus de s'ùrtimu esercìtziu;
4. Su 45% segundu a su nùmeru de is altletas, valutendi-ndi infatu: arreserva de su 30% po is tesseraus chi tenint prus pagu de 18 annus, cunforma a una decrarazioni innui is atletas funt partzius in classis de edadi;

### **ÒBRIGU DE ARRENDICONTAI**

Est fatu a òbrigu a is Entis sportivus de:

1. intregai s'arrendicontu de is spesas tentas, aunendi fotocòpia cun autèntica de is documentus chi cumproant;
2. auniri a s'arrendicontu una decrarazioni, a firma de su Presidenti de s'assòtziu, innui s'inditant is atletas iscritus spartzius in classis de edadi;

Candu s'arrendicontu intregau est prus bàsciu de totu su cuntributu cuncèdiu, su pagamentu a saldu s'at a fai finas a ammantai sa spesa tenta e arrendicontada. Candu sa spesa tenta est prus manna de su programma preventivau intregau, nisciuna magioratzioni si depit a s'Assòtziu.

**S'INTREGU NON FATU DE S'ARRENDICONTU E DE SA DECRARAZIONI SERRAT S'INTRADA A IS CONTRIBUTUS.**

**DIMANDAS**

Su mòdulu de dimanda s'at a podi:

- pigai de s'Ufìtziu Istruzioni Pùblica, Cultura e Sportu a su primu pranu de sa sea Comunali (C.su F.Ili Cervi,90), de su lunis a sa cenàbura de sa ora de is 10:30 a sa ora de sa 1:30 e su lunis a merii de sa ora de is 3:30 a sa ora de is 6:30
- pigai de su logu po arriciri genti in su pranu de bàsciu de su Comunu.
- scarrigai de su situ internet de su Comunu de Sabarussa a s'indiritzu: [www.comune.solarussa.or.it](http://www.comune.solarussa.or.it).

Is dimandas s'ant adepi intregai a s'ufitziu protocollu de su Comunu de Sabarussa, postu in su primu pranu de sa sea comunali, [aintru de s'ora de sa 1.30 de su 20.11.2020](mailto:pec.comune.solarussa.or.it) finas a arracumandada A/R o a sa PEC [protocollo@pec.comune.solarussa.or.it](mailto:protocollo@pec.comune.solarussa.or.it);

Sabarussa, 23/10/2020

**Su Responsàbili de s'Àrea Amministrativa  
(F.au Dot. Marco Casula)**